



YMA General Conference kal turin inpeih ta

Branch News

Chanmari West, 13th October, 2013 : Kumin YMA General Conference wawi 68-na hman turin kan Branch YMA pawh a inbuatsaih zel a, a kal turte leh hun hmangtu turte pawh uluk takin an inbuatsaih tawh a ni. Kumin Conference-ah hian kan Branch YMA Treasurer Pu R Lalhmachhuana chu Central YMA OB chuh tur zingah a tel a ni.

Kan Branch YMA zaipawl pawh palai lawm zanah an zai dawn a, Drama chang turte pawh ngawrh taka inbuatsaih zelin, anni pawh hian variety programme-ah lemchan an entir dawn a ni. Kan Branch YMA atang hian member 40 vel kal tura ngaih anni a, Ni 14.10.2013 zan Dar 9:00-ah Pu Lalmalsawma (Sena) in kawt atangin chhuah tur a ni.

☐ Ni 8.10.2013 Thawhleh zan khan Emergent meeting Branch Adviser Pu A.Biaklawma inah neih a ni.

☐ Aizawl Civil Hospital leh Synod Hospital ten tul leh tangkai taka an hman atan Branch YMA chuan puan 20 ve ve a hlan.

☐ Pu R. Rosanga Tuikual South in T-Sect. a mi chungkaw hnih luah lai chim ta luahtu Pu Ralkama leh Pu Lalrentluanga te hnenah Local Council leh Branch YMA in tanpuina bawm a dawh atang tlingkhawm Rs. 8900 leh Bialtu MLA hnen atanga tanpuina hmuh Rs. 5000 nen Rs. 6950 ve ve in tanpuina hlan an ni.

☐ 68th YMA General Conference - 2013 October ni 15-17 chhunga Khawbunga neih tura Branch YMA aiawha kal turte mamawh puhhruknan heng mite atang hian sum dawn a ni a, Branch YMA in lawmthu a sawi. Pu C. Lalarliana President Rs. 5000, Pu Lalrinliana Fin. Secy. Rs. 1000, Pu R. Lalhmachhuana Tresurer Rs.1000, Pu T.Ngurkhuma Exe.Member Rs.500, Adviser Pu A.Biaklawma Rs.1000.

☐ YMA Zawlbuk luahtu Pu V.Thangbuka Synod Hospitala awm mek chu damtaka a lo chhuah leh thuai an duh.

PEM

1. Pu JC Samte te chhung V-Sect. Pu Lalkunga in atangin Edentharah.

2. Tv Lalenpuia, Pu Ramfangzauva in N section atangin Champhai Zoteah.



TUNKAR CHANGVAWN

Kan Lalpa Krista Isua Pathian leh Pa chu fakin awm rawh se. Ani chuan van hmunahte khian, Kristaah chuan Thlarau lam mal min sawm a.

Ephesi 1 : 3

CWSC FOOTBALL

☐ CWFC Players te tlangzarh nana In hman tirtu Adviser Pu R.Rokima te chhung, sawmna ngaipawimawh a telpuitu vengchhung NGO hrang hrang hruaitute bakah Kohhran hrang hrang thalai hruaitute, Sponsor-tute, Host Ni Zikpuii, Soloist NI BZi, NI MKi , Tv Hruaitea, Chair hawh tirtu Neuva Section, Bench hawh tirtu New Horizon School, programme cover saktu Zonet, CWFC Supporters Club te, Theme Song siamtu Pu BZA te, Omega Art Work te, vengchhung mipui bawm dawh a tanpuina petu zawng zawng leh vengchhung mipui telpui tute chungah CWSC chuan lawmthu a sawi tak meuh a ni.

☐ MHIP ten Rs 5,000 leh CWSC main sponsored TT Royte Group in ₹ 20000 an pe leh chu an lawm hle.

☐ Pu RC Thangliana(L) hriatreng nan a fapa Tv. Lalnunmawia (LM Motor Parts) chuan football club tan ₹ 10000 a pe a, an lawm hle.

☐ MPL season hnihna tan a ni ta, Ni 10.10.2013 khan Chanmari FC nen an inkhel a, 0-0 in an inhneh tawka, man of the match-ah Chanmari West midfielder Sawmtea thlan a ni. Football team khelhdanah hruaitute an lawm hle a, result tha zawk nei zui turin beiseina sang tak an neih bakah, veng mipuiten a hmunah an tawiawm tha hle a ni.

☐ Ni 15.10.2013 (Thawhleh) zan Dar 7:30 ah light a that hman chuan Kulikawn FC nen khelhdanah a ni ang a, a that hman loh chuan tlai Dar 3:00 hian khelhdanah a ni ang, he hunah hian veng chhung mi a tam thei ang ber inkhel en turin an sawm.

☐ Supporter's Club tan Pu C Lalarliana (Ch) chuan banner siamna a tumsak a, Pu Lalchhandama Ralte (Ch) chuan Rs 5000 a pe bawka, KH Couture (Ch) chuan thil tul thuisakin, Chester Enterprise, Vaivakawnin a thlawnin scarf an siamah silk-screen a tihsak bawka, an lawm hle a ni.

THLAMUAL SUB-COMMITEE

☐ Thlan siamten thlanmual in an hman chuan thlan khat-ah ₹ 50 chawkidar hnenah pek zel tur a ni.

ZOFA

☐ Club Member aduh apiangte tan Cheraw zirin ni 15/10/13 thawhleh zan atang hian zir tur a ni a, a hmunatan TT Hall a ni ang.

☐ Club hminga thisen pek December thla khian neih tum a ni a member-te pethei tura lo inring turin beisei kan ni.

☐ Ni 9.10.13 Nilai ni khan Art & Culture Department leh NEZCC ten FFolk song Festival an buatsaih ah Ramtuan sak a ni.

☐ Folk Song a telten Secretary hnenah Certificate lam theih a ni.

Editorial Board

Editor:	RLalringheta	9862358337
Joint Editor :	Lalchhandama	9862358347
	JLalnangliana	9862399658
News Editor :	Thangkhum	9862303135
	Lalchhuanmawia	9862580558
	KLalremtuanga	9862119608
Cir.Manager :	Jacob Lalrinsanga	9612319779
Production Manager :		
	RL Thanhnuna	9436152760

Branch Office Bearer

President	C Lalarliana	9436142049
Vice President	K Darthantluanga	9436196071
Secretary	Zairemmawia	9862385654
Asst. Secretary	RL Thanhnuna	9436152760
Treasurer	R. Lalhmachhuana	9436151817
Fin.Secretary	Lalrinliana	9862581814
Adviser-te :	Pu F Zosanga	9436142106
	Pu A Biaklawma	9436363169
	Pu Lalrengpuia Sailo	9862075614

Editorial :

CYMA general conference kan lo thleng leh dawn ta a, he hun hi ram pum huapa ro kan reina hun pawimawh tak a ni a, member ten ngaih pawimawh thiam a tha hle mai. tun tum phei hi chu zo khaw theng thaw nuam takah hman a ni dawn a, chumai bakah kum dang aiin kan branch tan chuan hun pawimawh tak ni dawnin a lang.

CYMA OB nei ve ngei thei ila a duhawm hle mai a, kan branch tan mellung pawimawh tak a nih piah lamah hma kan sawnna tur thil pawimawh a ni ngei ang. hruaitu thlan tum hian thil dik lo leh mawi lo campaign thawm a awm thin a, kumin hi chuan chutiang thawm mawi lo leh tha lo hriat tur awm lo a duhawm hle a, kan branch atanga kan chuh tum a nih ve avangin hetiang boruak tha lo hi awm lo se a duhawm hle a ni. hruaitu dinhmun duhawm takah kan ding a nih chiah lo pawhin CEC palian tal chu kan nei ve tawh ang chu.

Tunlaiin kan vengin inkhel hmuh nawm mai bakah en leh tur chakawm tak tak kan nei nual a, veng mipuiten hetiang a kan veng aiawhtute hi tawiawm thiam ila a tha hle mai.

Chhiat tawh kan awm leh thin a, kan hah tlang viau tawh pawh a ni mai thei, hah vang chawlh ngawt theih a nih si loh avangin thalaiten tan ila thar zel ang u.

Kan Editorte nupa Thenzawl lamah honeymoon hmangin an thang a, dam takin an lo haw leh ang chu, fakna thu chhuah tur kan nei hraw deuh a, chhiartute ngaih thiamna kan ngen e.

Article**Inthlan chungchanga MPF thu chhuak**

1. Inthlan thianghlim leh felfai tak a awm ngei theihna turin mi tinin theihtawp chhuah theuh ni se.
2. Inthlanah hian khua leh tui dik tak, Vote neite chuan Vote thlak theuh ni se.
3. Vote thlak tur khawpui atanga anmahni khaw lama an hawna tur ngaihtuhsak emaw, hmun dang atanga anmahni Vote awmna lalma an kalna tur ngaihtuah a , insengsova buaipui emaw hi tumahin tih loh ni se.

Inthlan senso chungchang

1. Inthlan hautak lutuk leh senso sang lutuk titem turin theihtawp chhuah theuh ni se. MPFten Candidate te leh Party te hnenah pawisa dil emaw dawn khaptlat a ni.
2. House to house campaign hi thil dik lo tam tak inphum ruk theihna leh senso titamtu a nih theih avangin tih loh hi a tha ber a, amaherawhchu, mipuiten candidate-te an hmuh duh thin avang leh candidate-te pawhin an bial mipuite tlawh an duh thin avangin inthlan hma ni 10 thleng chuan house to house campaign Programme siam theih a ni. Chumi hnu lamah erawh chuan tu mahin tih loh ni se.
3. Sum leh therhlo dang hmanga vote lei leh hralh hi tih loh nise. Mipui, Pawl hrang hrang leh Kohhran-te pawhin Party leh Candidate-te hnenah thil phut neih tur a nilo. Chutih rualin thil chi hrang hrangsem, (ENTirman- Silpouline, Jersey, Football, Mobile Handset, Sawrkar Development kal lai leh NLUP leh thil dangte) hi tih loh ni bok se.
4. Kawngzawh hi inthlan hma Ni10 hnulamah chuan tih loh ni se, ruaitheh leh picnic hi tih loh ni bawh se. Ruaitheh ih hian mikhual chaw eipui te, block leh unit hruaituten tul bik thilah chaw an ei khawm thin angte hi a huam lovang. Candidate rulh tura anmahni hriat loha dawr leh hmun dang atanga thil lo lak leh pekte hi tih loh tur a ni.
5. Candidate te tana inthlan tihautaktu heng - banner, Flag leh Poster-te hi veng tina tar zat tur hengtiang hian

bithliah a ni.

- VC/LC Member Pasarih nei chinah. Banner - 3, Flag - 30 leh Poster 20 thleng.
- VC/LC Member Panga nei chinah. Banner - 3, Flag - 20 leh Poster 15 thleng.
- VC/LC Member Pathum nei chinah. Banner - 3, Flag - 10 leh Poster 10 thleng.
- Banner hi ft 18x4 aia lian lo ni se. Poster hi ft 4x3 aia lian lo ni se.
- Party Symbol lukhum, badge leh sticker-te hi Campaign na hmanruaah hman lo nise.
- Flag , banner leh poster bituk aia tam tar an awm chuan MPF in la thla turin hrih nise.

Zalen taka inthlan leh venhimna chungchang

- Invau leh inrikrap awm lo turin theihtawp chhuah theuh ni se.
- Helte hmanruaa hman leh ralthuam chelekna awm thei te huai taka dodal theuh nise.
- Border leh sensitive area-ah te a tul leh mamawh anga venhimna a awm theih nan hmalak ni se.

Policy Implementation

- A tak ram thleng thei tur leh tihhlawhtlin theih tur chauh manifesto, policy leh programme duan nise.
- Mimal chungchang leh tualchhung thil chauh ni lovin, Party policy leh programme hi campaign-na leh inzawrhna atan hman ni se. Dawt leh thu belhchian dawl lo leh finfiah nghal mai theih loh hmanga inbeih hi tih loh ni se.

Candidate chungchang

- Political Party tinin candidate an siam laiin hetiang mi hi candidate atan ruat tura beisei an ni.
- Mi hmingtha, mize nghet leh rilru puitling.
- Mi taima leh rinawm.
- Dik lo leh kut tling lova sum leh thildang hmuh tum lo mi.

(Phek linaah zawm a ni..)

Chawngbawla Section

- ☐ Ni 8.10.13 zan khan Rev B Ropianga inah Comt meeting a thu a, hmalak tur hrang hrang rel a ni.
- ☐ Branch thuchhuah angin Section chhungah chhiatni Fund ₹100 chhungtinah section hruaituten an khawn mek a, lo ngai pawimawh turin chhungtinte an ngen.
- ☐ Ni 12.10.13 inrinni zing kar khan Section chhungah ui leh ar chhuak vai hnatlang hruaitu ten an nei.

☐ Pu Vanlalnggheta Pachuau (Committee Member) te chuan ni 10.10.13 khan fanu duhawm tak an nei a, an lawmpui hle.

☐ Kumin November 22 hian veng pum huap BEAT CONTEST (Section Wise nilo) buatsaih tum a ni. Vengchhung mi tupawh tel theih a ni. Entry Form Elar Enterprise kawipui Mapuia dawrah lak theih a ni. Lawmman 1na ₹ 10,000 2na ₹5000 3na ₹3000 leh Mimal lawmman siam a ni bawk ang.

☐ Chhung tin te ui leh ar khuahkhirh hram hram turin an in ngen. Ui neitu ten khawihmunah pawh ui kaichhuak a an ek tirin thenfaina chang hre turin an in chah.

Khuangchera Section

☐ Lalremruata leh Lalrempuia KM/HSS s/o Lalthlamuana (Muantea) chuan ni 8.10.13 thawhleh khan Forest Dept buatsaih 59th National Wildlife week kharna - Poster Competition-ah lawman tha tak an dawn avangin an lawmpui hle.

☐ An hruaitu Pu Lalrosanga'n bawlhhlawh ruhna pahnih YMA Run a hman tur a rawn pe chu a chungah lawmthu an sawi.

☐ Chhiatni Fund khawn leh mek a ni. chhung tin te lo ngai pawimawh turin an inngen.

☐ Silver Jubilee fund chhung tina khawn mekah hruaituten a rang lama mahni bial chan theuh tifeh thuai turin an inhriattir.

☐ YMA General coference Khawbung-a neih turah member tam thei ang ber kal turin an in sawm.

Neuva Section

☐ Kawngpui ningkhawng (Traffic Rules Zirzauna) lehkhahu chu zawrh theih mai tura hmalak mek a ni.

☐ Committee member Pu Lalrinpuia pa Pu V Thangbuka chu

Synod Hospital, Durtlang ah aawm mek a, dam taka a rawn chhuah leh thuai an beisei.

☐ Kawngpui dunga Insakna bungrua dah thin ten an sulhnu felfai taka thian leh turin an in hriattir.

☐ Vawiin tlai dar 3:00 hian Pasaltha Neuva In ah in nghakkhawmin Section hruaitu te Section huamchhunga h Duty tur a ni.

Taitesena Section

☐ Chhiatni Fund khawn that leh mek a ni a, chhungtinte ngai pawimawh a, a rang lama lo pe turin an inngen.

☐ YMA General Conference a kan Branch atanga Item nei turte tha taka an tih thei an duhsak tak meuh a ni.

☐ Silver Jubilee Fund khawn tuten kan khawn tawh ang ang te Pu RL Thanhnuana hnenah thehlut turin an inhriattir.

☐ Ni 16.10.2013 (nilai) ni hian an hruaitu hlui Lalrokhuma Ralte chuan nupui a nei dawn a, an lawmpui tak meuh a ni.

☐ CWFC te an kal zelna turah chakna an chan zel theih nan duhsakna an hlan.

Vanapa Section

☐ November thla tawpah Section PICNIC Ropui taka neih an tum.

☐ An hruaitu Pu Zairemthanga damlo pawh dam takin damdawi in tanga a lo chhuak leh ta.

☐ Section Asst Leader Pu H Vanlalvena damlo pawh a dam leh thuai an duhsak.

☐ Pi Rosiami damdawi in-a awm pawh dam tak a lo chhuah thuai an duh hle.

☐ Chhung tin te mahni in leh avel vawng fai turin an in chah.

☐ Section hruaitu te leh Member te Presbytery Khawmpui ah an buai hle.

☐ Hun remchang hmasaberah FAINA hnatlang neih an tum.

☐ Section hruaitu leh Member engemaw zat Gen. Conference kal turin an in buatsaih.

☐ Ar leh vawk vulhtu ten thenawm te tana rim chhia siam sak lo turin leh ti fai uluk turin an in hriattir.

✠ Kan Then Tak ✠**KAPMAWIA**

Kapmawia hi Rualhnuna leh Saibuangi fa 11 te zinga upa ber a ni a, Ni 30, June 1932 khan Rullamah a piang.



Kum 1954 khan Chhandami Sialhawk nen an innein fa 7, tu 22 leh tuchhuan 9 a nei. 1952 khan Zirtirtu hna a thawk tan a, 1967 rambuai lai khan Rullam atangin Aizawlah a pem a, 1978-ah head teacher-ah hlan kai a ni. Kum 1981 khan census a thawh that avangin President hnen atangin silver medal a dawng a, selection grade-ah hlankai a ni.

Kum 1999-ah LM Primary school atangin a pension a ni. Kohhran leh Khawtlangah rawngbawlna hrang hrang a chelh thin. Mi hrisel leh taima, mahni hnaa tlai ngai lo mi a ni bawk. Kum 2012 bulah a insawisel tan a, zawi zawia hniam hret hretin Ni 5.10.2013 khan chatuan ram a pan ta a ni.

LALNUNMAWIA

Lalmangaiha leh Rokhamite fa panga zing upa ber dawttu Lalnunmawia hi kum 1959 A i z a w l Dawrpuiah a lo piang a. Kum



1988 khan Lalrinsangi nen innein fa 3, mipa pakhat leh hmeichhia pahnih an nei a ni.

Kumin March thla khan Mission Veng atangin Chanmari West-ah chhungkuain an pem lut. Zirna lamah Pre-University Course zovin sorkar hnathawk lovin sumdawnna chi hrang hrang khawihin chhungkua a chawm a, pa tawng tam lo leh mi inngaitlawm, taima leh mite ngainat hlawh tak a ni.

May thla khan pancreas cancer a ni tih hriat a ni a, Nazareth Hospital-ah inenkawlin chemotherapy wavi 11 lai a la a, theihtawpa enkawl ni mah se hniam lam pan hret hretin Ni 10.10.2013, tlai dar 2:30 khan chatuan ram a pan ta a ni.

- Zu leh ruihtheih thil dang laka fihlim.
- Mipat hmeichhiatna kawnga sawisel kai lo.
- Ram leh hnam dan pawisa mi leh dikna ngaisang mi.
- Khawtlang leh mahni mihring puite thatna tur duha, chumi atana inh mang peih mi.
- Mahni sakhua, kohhran leh pawla mi hmingtha leh rinawm.

Thawhhona chungchang

(1) Constituency huam chung khaw lian deuh deuhah MPF leh candidate-te remruatna angin, MPF Constituency Forum kaihhraina hnuaijah Joint Platform buatsaih theih a ni ang a, chung tinten candidate an lo hmelhriat theih nan leh an thu leh hla anlo dawn sawn theuh theih nan, a theih leh remchang dan angin, he programme hi Local TV leh Media-ah te pek chhuah nise. Joint Platform hi pawl dang leh mi dangin buatsaih loh nise. (2) Party malin a hranpa public meeting neih an duh a nih pawhin MPF kaihhraina hnuaijah ni thei se. MPF awm lohnaah chuan Party malin a

remchan dan anga kalpui mai nise.

(3) Vantlang tana thingpui loh loh nise; Pooling booth area bul hnaia electoral roll en leh number pek chhuah hi Political Party-ten a mala buaipui lovin, MPF kaihhrainain fimkhur taka buaipui nise.

7. Tlangkawmna

(1) A chung a 'Thawhhona Thuthlung' tar lan piah lamah hian MPF District Forum, Constituency Forum leh Local Forum ten ruahmanna hran siam loh ni se.

(2) Heng 'Thawhhona Thuthlung' hi bawhchhia an lo awm a, finfiah ngei anih chuan, MPF-in a theih leh remchan dan angin an bawhchhiatna constituency huam chungah a puangzar ang.

(3) He 'Thawhhona Thuthlung' hi MPF leh Political Party tinin a zau thei ang berin thehdarh nise.

Thawhhona Thuthlung siam hian Party hruaitute leh MPF hotuten vawi thum meeting an nei a. Thuthlung siam fel ni Dt 22.8.2012-a Party aiawh telte'n pawm tlangin hming an ziah hnan.

PROPERTY

- YMA park chei that leh information chhia siamthat hnatlang neih a ni. Information mike tha lo a awm a nih chuan hruaitute hnenah hrilh thin nise.
- YMA park hi kan ta theuh a nih angin a enkawl kawngah pawh mitin tan la turin an ngen.
- YMA park hi hlim tak leh zalen taka awm nana hman tur a ni a, Ruihhlo leh thil sual tih nana hman khap tlat a ni.

PHYSIOTHERAPY DISCOUNT

Saitika, Kawng na, Nghawng na, Tha na, Tha tawm, Dar na, Khup na, Tihrawl na, Pangkhing zeng, Sports injury, Hmai sawi, Nerve tha lo leh a kaihhnawih natnate chu khawl hmangin October thla chung hian 25% discount-in kan enkawl thei e.

In entir hun :

Thawhtan atanga inrini

Zing : 6:30am - 9:00am

Tlai : 1:30pm - 5:30pm

Aizawl Physiotherapy Clinic

Chanmari kawn,

Chanmari Presbyterian Biak In bul

Ph. : 2347456 / 985690775

MALARIA CHUNGCHANGA THIL PAWIMAWH TE

- ❖ MALARIA hi natna hlauhawm tak, thihpui thut theih, Anopheles thosi seh atanga mihringin kan kai thin a ni.
- ❖ MALARIA lanchhuah dan langsar zual te chu - lu na, khawsik, tlun, chau ngawih ngawih, chaw ei tuilo, tihrawl na kham them thum, pum nuamlo leh luakchhuak te a ni.
- ❖ MALARIA laka invenna tha ber chu zana thosilen damdawia chiah zar hnuaijah mut te, in leh a vela thosi pian theihna chi tui tling awm reng reng paih bo te leh DDT a inchhung kah tir hi a ni.
- ❖ Tui in atangin Malaria a vei theih loh.
- ❖ Malaria ni a i inrinhlelh chuan mahni veng a Sub Centre emaw ASHA emaw CHV hnenah i thisen exam tir thuai ang che.
- ❖ Sub Centre, ASHA leh CHV te hnen a thisen exam tir leh damdawi lak te hi a thlawn vek a ni.



**DISTRICT VECTOR BORNE DISEASE CONTROL PROGRAMME
OFFICE OF THE CHIEF MEDICAL OFFICER
AIZAWL EAST DISTRICT**